



11. april 2019

UPA 2019/135

### **Naqqiut**

Siunnersuut imm.135. 14. februar 2019-meersoq taarserpaa  
(Makku naqqiutigineqarput. Siunnersuuteqartup atia allanngorpoq.)

Inatsisartut Suleriaasianni § 33 naapertorlugu aalajangiiffigisassatut siunnersuut manna saqqummi-uppara:

**Nunatta avataanut sioqqanik nioqquteqarsinnaalernissaq pillugu Naalakkersuisut UPA2020-mut iliuusissatut pilersaarummik saqqummiusseqqullugit peqqunneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Siverth K. Heilmann, Atassut)

### **Tunngavilersuut:**

Nunarput isorartoorsuuvoq pinngortitarsuarpullu naassaanngitsumik pilissuulluni. Siunissarput eqqarsaatigalugu, imminullu napatissinnaanerulernissaq anguniarlugu nunatta pissarititai annertunerujussuarmik atorluarnerusariaqarpagut.

Sineriassuarput tamakkerlugu sioqqanik ulikkaarpoq uninngaannartunik. Avammut tunisassiarisinnaanissaannik pilersarusiortariaqarpugut. Tassami nunarpassuit sanaartornikkut, allatigullu atorfissaqartippaat, ilaatigullu aamma cement-iliornikkut atorneqarsinnaallutik. Immaqalu aamma qarmassisssianut atorsinnaallutik. Nunarsuatsinni sanaartorneq taamak annertutigisoq uninngisaannartussarli uagut nunatsinniit aningaasarsiutigalugulu suleqataaffigisinnaavarput.

Atassummiit Naalakkersuisut peqqagut sioqqanik nioqqutissiorissamut alloriarnertut siullertut iliuuserisinnaasatsinnik iliuusissatut pilersaarummik saqqummiusseqqullugit. Taassumaluu takutikkumaarpaa alloriarnissap tullissaa suussanersoq. Tassami sioqqat assigiinngitsut assigiinngitsunik akoqarput apeqquataalluni sumorpiaq atussanerlugit.

### **Pisortanut aningaasatigut allaffissornikkullu kingunerisassai**



Naatsorsuutigineqassaaq iliuusissamik pilersaarusiornissaq ukiup ataatsip ingerlanerani AC fuldmægtigep sulineranut 500.000kr-inik akeqassasoq.

**Pisortanut aningaasatigut allaffissornikkullu kingunerisassai**  
Soqanngilaq.

**Innuttaasunut aningaasatigut allaffissornikkullu kingunerisassai**  
Soqanngilaq.